

## Osnovni kombinatorni objekti: permutacije i kombinacije skupova i multiskupova

Osnovni pojmovi klasične kombinatorike su kombinacije i permutacije skupa. Ljudi sa srednjim matematičkim obrazovanjem upravo njih i podrazumijevaju pod riječju kombinatorika.

Neka je zadat skup od  $n$  elemenata i  $k$  nenegativan cio broj,  $k \leq n$ . Koliko imamo mogućnosti za izbor  $k$  elemenata ovoga skupa? Odgovor, naravno, zavisi od toga da li je poredak kojim "izvlačimo" elemente bitan ili ne. U ovom poglavlju daćemo precisne definicije ovakvih "izbora" elemenata skupa, izračunati brojeve tih "izbora" i dokazati neke njihove osobine.

Definicija 1: Neka su  $k, n \in N$ .  $k$ -permutacija (bez ponavljanja) skupa  $S$  od  $n$  elemenata je svaka uređena  $k$ -torka različitih elemenata skupa  $S$ . Broj svih  $k$ -permutacija skupa  $S$  od  $n$  elemenata označavamo sa  $P(n, k)$ .

$k$ -permutacije skupa  $S$  od  $n$  nazivamo i varijacijama k-te skupa od  $n$  elemenata.  
 $n$ -permutacije skupa  $S$  od  $n$  elemenata su **permutacije skupa**  $S$ . Njihov broj označavamo i sa  $P(n)$ .

Definicija 2: Neka su  $k, n \in N$ .  $k$ -permutacija sa ponavljanjem skupa  $S$  od  $n$  elemenata je svaka uređena  $k$ -torka ne obavezno različitih elemenata skupa  $S$ . Broj svih  $k$ -permutacija sa ponavljanjem skupa  $S$  od  $n$  elemenata označavamo sa  $\bar{P}(n, k)$ .

Definicija 3: Neka su  $k, n \in N$ ,  $k \leq n$ .  $k$ -kombinacija skupa  $S$  od  $n$  elemenata je svaki  $k$ -elementni podskup skupa  $S$ . Broj svih  $k$ -kombinacija skupa  $S$  od  $n$  elemenata označavamo sa  $C(n, k)$ . Koristimo i oznaku  $\binom{n}{k}$ .

**Teorema 1:** Za  $k, n \in N$ ,  $k \leq n$ , važi:

$$1) P(n, k) = n(n-1)(n-2)\dots(n-k+1),$$

(proizvod  $n(n-1)(n-2)\dots(n-k+1)$  je opadajući faktorijel, za koji koristimo oznaku  $\binom{n}{k}$ )

$$2) \bar{P}(n, k) = n^k$$

$$3) C(n, k) = \frac{\binom{n}{k}}{k!} = \frac{n!}{k!(n-k)!}$$

Dokaz: 3) Neka je  $C(n,k) = h$  i  $B_1, B_2, \dots, B_h$  svi  $k$ -podskupovi skupa  $S$  od  $n$  elemenata. Označimo sa  $\mathbf{A}$  familiju svih  $k$ -permutacija skupa  $S$ . Za svako  $i = \overline{1, h}$  neka je  $A_i$  familija svih permutacija skupa  $k$ -skupa  $B_i$ . Tada je

$$\mathbf{A} = A_1 \cup A_2 \cup \dots \cup A_h$$

pa je na osnovu principa sume  $|\mathbf{A}| = |A_1| + |A_2| + \dots + |A_h|$ , to jeste  $(n)_k = h \cdot k!$ . Odavde slijedi jednakost 3).

□

Teorema 2: Neka su  $k, n \in N$ ,  $k \leq n$ , a  $S$   $n$ -skup, to jeste  $|S| = n$ . Tada je:

- a) broj svih injekcija sa  $[k] = \{1, 2, \dots, k\}$  u  $S$  jednak  $P(n, k)$ ,
- b) broj svih bijekcija sa  $S$  u samog sebe jednak je  $P(n)$ .

Dokaz: .....

□

Definicija 4: Neka je  $A$  skup od  $n$  elemenata. *Multiskup nad skupom  $A$*  je uređeni par  $M = (A, m)$ , gdje je  $m$  funkcija nad  $A$  takva da  $m : A \rightarrow N_0 \cup \{+\infty\}$ .

Za svako  $x \in A$ ,  $m(x)$  je višestrukost elementa  $x$  u multiskupu  $M$ . Ako je  $\sum_{x \in A} m(x)$  konačan broj,  $M$  je konačan multiskup kardinalnosti  $\sum_{x \in A} m(x)$ .

Intuitivno, multiskup je skup u kojem je dozvoljeno ponavljanje elemenata. Ako je  $A = \{a_1, a_2, \dots, a_n\}$ , multiskup  $M = (A, m)$  ćemo označavati sa  $M = \{a_1^{m(a_1)}, a_2^{m(a_2)}, \dots, a_n^{m(a_n)}\}$ .

*$k$ -permutacija sa ponavljanjem* skupa  $A = \{a_1, a_2, \dots, a_n\}$  su  $k$ -permutacija multiskupa  $M = \{a_1^\infty, a_2^\infty, \dots, a_n^\infty\}$ .

Teorema 3: Neka je  $M = \{a_1^{s_1}, a_2^{s_2}, \dots, a_k^{s_k}\}$  multiskup i  $s_1, s_2, \dots, s_k \in N$  tako da je  $s_1 + s_2 + \dots + s_k = n$  (to jeste  $M$  je familija od  $n$  objekata k različitim tipova:  $s_1$  objekata tipa  $a_1$ ,  $s_2$  objekata tipa  $a_2$ , ...,  $s_k$  objekata tipa  $a_k$ . Objekti istog tipa se ne razlikuju). Broj permutacija multiskupa  $M = \{a_1^{s_1}, a_2^{s_2}, \dots, a_k^{s_k}\}$  je

$$P_n(s_1, s_2, \dots, s_k) = \frac{n!}{s_1! s_2! \dots s_k!}$$

Dokaz: .....

□

**Teorema4:** Neka su  $n_1, n_2, \dots, n_k$  prirodni brojevi takvi da je  $n_1 + n_2 + \dots + n_k = n$  i  $A$  skup od  $n$  elemenata. Broj načina na koji se skup  $A$  može razložiti na uređenu uniju  $k$  uzajamno disjunktnih nepraznih skupova  $A_1, A_2, \dots, A_k$  kardinalnosti

$$n_1, n_2, \dots, n_k, \text{ redom, tako da je } \bigcup_{i=1,k} A_i = A \text{ je } \frac{n!}{n_1! n_2! \dots n_k!}.$$

Dokaz: .....

□

Ova teorema predstavlja još jednu kombinatornu interpretaciju brojeva  $\frac{n!}{n_1! n_2! \dots n_k!}$

koji zadovljavanju jednakost  $n_1 + n_2 + \dots + n_k = n$ . Kasnije, u polinomijalnoj teoremi, uvećemo ih pod emenom polinomijalni koeficijenti.

**Definicija 5:** Neka su  $k, n \in \mathbb{N}$ .  $k$ -kombinacija sa ponavljanjem skupa  $S$  od  $n$  elemenata je svaki multiskup kardinalnosti  $k$  nad skupom  $S$ . Broj svih  $k$ -kombinacija sa ponavljanjem skupa  $S$  od  $n$  elemenata označavamo sa  $\bar{C}(n, k)$ .

$$\text{Teorema 5: } \bar{C}(n, k) = \binom{n+k-1}{k}$$

Dokaz: .....

□

**Teorema 6:** Neka je  $M = \{a_1^{s_1}, a_2^{s_2}, \dots, a_k^{s_k}\}$  multiskup od  $k$  različitih elemenata višestrukosti  $s_1, s_2, \dots, s_k$ . Ukupan broj svih podmultiskupova multiskupa  $M$  je  $(s_1+1)(s_2+1)\dots(s_k+1)$

Dokaz: .....

□

Nadalje, skupove kardinalnosti  $n$  zvaćemo  $n$ -skupovima, a multiskupove kardinalnosti  $n$   $n$ -multiskupovima.

**Teorema 7** (De Moivré): Neka je  $M = \{a_1^\infty, a_2^\infty, \dots, a_n^\infty\}$  multiskup sa n različitim elemenata, od kojih svaki ima beskonačnu vešestrukost. Tada je broj k-kombinacija multiskupa M, u kojima se svaki od elemenata  $a_1, a_2, \dots, a_n$  pojavljuje bar jednom jednak  $\binom{k-1}{n-1}$ .

Dokaz: .....

□

**Teorema 8:** Neka su  $k \geq 0$ ,  $n \geq 1$ ,  $v \geq -1$  cijeli brojevi. Broj uređenih k-torki  $(a_1, a_2, \dots, a_k)$  skupa  $[n] = \{1, 2, \dots, n\}$  za koje je  $a_{j+1} - a_j > v$ ,  $j = 1, 2, \dots, k-1$ , je

$$f_v(n, k) = \binom{n - (k-1)v}{k}, \text{ za } n \geq (k-1)v.$$

Dokaz: .....

□

**posledica:** Neka su  $k, n, v \in N_0$ ,  $n \geq (k-1)v$ . Broj k-podskupova  $S \subseteq [n]$ , takvih da je za sve  $x, y \in S$ ,  $x \neq y$ ,  $|x - y| > v$ , jednak je  $f_v(n, k) = \binom{n - (k-1)v}{k}$ .

Dokaz: .....

□

**Teorema 9** (Kaplansky, 1943.): Neka su  $k, n, v \in N_0$ ,  $n > kv$ . Broj k-podskupova  $S \subseteq [n]$ , takvih da je za sve  $x, y \in S$ ,  $x \neq y$ ,  $v < |x - y| < n - v$ , jednak je

$$g_v(n, k) = \frac{n}{n - kv} \binom{n - kv}{k}.$$

## Zadaci

1. U Markovom i Aninom odjeljenju je ukupno 28 učenika: 16 dječaka i 12 djevojčica. Na koliko načina razredni starješina može formirati delegaciju tako da se ona sastoji od:


- a) 5 učenika, i to 3 dječaka i 2 djevojčice,
- b) 5 učenika, s tim da u delegaciji ne mogu zajedno biti Marko i Ana?

2. Dokazati kombinatornu jednakost  $\binom{n}{k} = \binom{n}{n-k}$ .

Rješenje 1 Uspostavljanjem bijekcije između  $k$ -podskupova i  $(n-k)$ -podskupova skupa od  $n$  elemenata.

Rješenje 2 Algebarski

Rješenje 3 Određivanjem broja najkraćih puteva od pozicije  $O(0,0)$  do pozicije  $A(x, y)$  u gradu sa mrežom ulica čije je tlocrt u Oxy-koordinatnim sistemima predstavljen na slici.



3. Na koliko načina se  $n$  ljudi može rasporediti oko okruglog stola, ako se dva razmještaja A i B smatraju jednakim ako svaki čovjek pri razmještaju A ima istog susjeda sa lijeva kojeg sa lijeva ima pri razmještaju B i istog susjeda sa desna kojeg sa desna ima pri razmještaju B?

Rješenje:  $(n-1)!$

4. Na koliko načina se šestoro ljudi može rasporediti oko okruglog stola, ako se dva razmještaja A i B smatraju jednakim ako svaki čovjek pri ta dva razmještaju ima iste susjede?

Rješenje:  $\frac{1}{2}(n-1)!$

5. Na koliko načina za okrugli sto može sjesti  $n$  bračnih parova, ako

a) muškarci i žene alterniraju,

b) muž i žena jednog od tih parova ne žele sjedjeti jedno do drugog?

Dva razmještaja su ista ako su isti susjadi sa lijeva i isti sa desna (isti do na rotaciju stola).

Rješenje: a)  $n!(n-1)!$ , b)  $(2n-1)! - 2(n-2)!$

6. Koliko rješenja u skupu  $N_0 \times N_0 \times N_0 \times \dots \times N_0$  ima jednačina  $x_1 + x_2 + \dots + x_n = k$ ?

Rješenje: Odgovor  $\binom{n+k-1}{k}$ , to jeste  $\binom{n+k-1}{n-1}$

Uspostaviti bijekciju između ove familije rješenja i skupa svih  $(0,1)$ -nizova dužine  $n+k-1$  sa tačno  $k$  jedinica i tačno  $n-1$  nula.

7. Koliko rješenja u skupu  $N \times N \times N \times \dots \times N$  ima jednačina  $x_1 + x_2 + \dots + x_n = k$ ?

Rješenje: Odgovor  $\binom{k-1}{n-1}$ .

8. Na koliko načina  $n$  jednakih svesaka možemo raspodijeliti među  $k$  učenika tako da svako dobije bar po jednu svesku?

9. Koliko ima strogo rastućih, a koliko neopadajućih nizova dužine  $k$  čiji su članovi elementi skupa  $\{1, 2, \dots, n\}$ ?

10. Koliko dijagonala ima konveksni  $n$ -tougao?

Rješenje:  $\binom{n}{2} - n$

11. U ravni su zadate tačke  $A_1, A_2, \dots, A_k$ . Kroz tačku  $A_i$  povučeno je  $n_i$  pravih,  $i = 1, 2, \dots, k$ . Odrediti najveći mogući broj presječnih tačaka ovih pravih.

$$\underline{\text{Rješenje:}} \binom{n_1 + n_2 + \dots + n_k}{2} - \sum_{i=1}^k \binom{n_i}{2} + k$$

11. Na koliko načina može dvoje ljudi podijeliti među sobom  $n_1$  predmeta prve vrste,  $n_2$  predmeta druge vrste, ...,  $n_k$  predmeta  $k$ -te vrste, pod uslovom da svako od njih dobije barem  $s_i$  predmeta  $i$ -te vrste,  $i = 1, 2, \dots, k$ ?

$$\underline{\text{Rješenje:}} \prod_{i=1}^k (n_i - 2s_i + 1).$$

12. Koliko ima 5-ocifrenih prirodnih brojeva koji imaju iste cifre kao i brojevi:  
a) 34125, b) 12034?

Rješenje: a)  $5!$ , b)  $4 \cdot 4!$ .

13. Koliko ima prirodnih brojeva manjih od 1 000 000 u kojima se pojavljuje cifra 5?

Rješenje: Broj  $k$ -tocifrenih prirodnih brojeva i kojima se ne pojavljuje cifra 5 je  $8 \cdot 9^{k-1}$ , pa je broj  $k$ -tocifrenih prirodnih brojeva u kojima se pojavljuje cifra 5 jednak  $9 \cdot 10^{k-1} - 8 \cdot 9^{k-1}$ .

14. Koliko puta se pojavljuje broj 5 na listi svih prirodnih brojeva od 1 do 1 000 000?

Rješenje:  $\sum_{s=1}^6 s \binom{6}{s} 9^{6-s}$ , jer brojeva manjih od 1 000 000 (to jeste najviše šestocifrenih brojeva) u kojima se cifra 5 pojavljuje tačno  $s$  puta ima  $\binom{6}{s} 9^{6-s}$ .

13. Koliko djelioca ima prirodan broj  $n$  čija je prosta faktorizacija  $n = p_1^{\alpha_1} p_2^{\alpha_2} \dots p_k^{\alpha_k}$ , a koliko, među njima, ima djelioca koji nisu kvadrati prirodnih brojeva?

Rješenje: broj svih djelioca je  $(\alpha_1 + 1)(\alpha_2 + 1) \dots (\alpha_k + 1)$ , a broj djelioca koji nisu kvadrati prirodnih brojeva je  $\prod_{i=1}^k \left( \left[ \frac{\alpha_i - 1}{2} \right] + 1 \right)$ .

14. Na polici se nalazi 20 knjiga. Na koliko se načina može odabrati 7 knjiga tako da nikoje dvije od njih nisu bile susjedne na polici?

$$\underline{\text{Rješenje:}} f_1(20, 7) = \binom{14}{7}.$$

15. Na koliko se načina od 20 poslanika koji sjede za okruglim stolom može formirati sedmočlana delegacija, tako da nikoja dva člana delegacije nisu susjedi za stolom?

$$\underline{\text{Rješenje:}} g_1(20, 7) = \frac{20}{13} \binom{13}{7}.$$